

山東府縣志輯

中國地方志集成

乾隆鄒城縣志

嘉慶續修鄒城縣志

道光長清縣志

中國地方志集成

山東府縣志輯 ⑤9

乾隆郟城縣志

嘉慶續修郟城縣志

道光長清縣志

鳳凰出版社 ● 上海書店 ● 巴蜀書社

重修郟城縣志序

郟之見於春秋也尙矣溯所自出郟子爲少皞氏苗裔武王分封茅胙爲魯附庸由來最古夫自古迄今時勢遞遷罷侯置邑變更不可紀極矣卽郟亦嘗革於唐宋間久之乃得仍舊君子見其名而興復古之思是究是圖則必於志乎取法焉考諸原書作自前明殊乖義例甚至典祀濶入釋老選舉雜以蠲貲春秋謹嚴之謂何古聖賢問官傾蓋之遺風又安在歟前令深澤王君慨然釐正旣屬草藁未付梓人渤海張君嗣宰是邑百務畢興修水利築河防舉節孝育英才念茲十餘年來可述而志者甚多是用重修竣事烏虛爲吏日校

郟城縣志

簿書鮮從事於文教審復問志之得失哉若張君者可謂知所重矣漢書循吏傳有言儒者通於世務明習文法以經術潤飾吏事輒有治理效君之謂歟余以觀察二東兼攝藩篆適觀新志告成深幸復古之有人也於是乎書

萬壽恩科揀撰特用刑部郎中誥授中憲大夫分守濟東泰武兼管水利通省驛傳道署理山東承宣布政使司布政使加三級紀錄十七次尹嘉銓撰

乾隆二十九年四月初五日

重修郟城縣志序

郟城古郟子國也周封少皞氏之後於郟爲魯附庸春秋魯昭公十七年郟子來朝昭子從而問官焉郟子數典而述其祖以對孔子聞之見郟子而學之而嘉其克守先緒不失舊物其崇德象賢秉禮惇信所積習然也秦漢以來割隸分轄遞有沿革載在前史明初改縣爲郟城領於沂州尋又屬兗屬濟國朝因之雍正二年分沂州爲直隸州十二年陞州爲府而郟遂爲沂專屬附邑矣邑介南北之衝自漢迄明疊遭兵燹地濱河海水潦頻仍一遇災眚民居蕩析以致文獻凋殘典籍闕如聖朝御宇休息恬養百有餘年欽惟皇上軫念

郟城縣志

民瘼愼重河防賑卹疏濬茲郟邑不惜帑金十餘萬之多翠華臨幸指視規畫省方問俗惠澤有加焉太和洋溢百穀順成三時不害凡茲士庶熙熙然如遊光風化日中所以咏盛德而矢弗諼者詎安可以不志哉按郟志昉於萬曆之十有三年世紀遼遠外訛墨漏舊帙散失同於杞宋之無徵直至康熙十二年郟令張君三俊同前令馮君可參纂訂成書距今又八十餘禩矣列聖相承重熙累洽制度文章日新月盛孝義節烈比戶可風不加採輯其何以訓方俗而備咨諏乎余受命典郡巡歷屬邑至郟而辨山川之險易視土田之肥瘠觀風俗之澆淳因以景仰前猷訪求古蹟其縣西十里

爲傾蓋亭孔子與程子之路遇交談處也去縣西北七十里
爲磨山曾子之遊學地也緬至人之馨歎證一貫之心傳音
徽雖渺遺址猶存爲翠然遠望者久之既而邑大尹張君以
所輯縣志凡例見示而請其序於余余披閱條例蓋前令王
君楠所創定張君蒞事後同邑紳王庶常考訂以成帙一本
春秋謹嚴之義年經月緯微顯闡幽不支不蔓有綸有要誠
哉爲一邑之信史矣夫比事屬辭春秋教也春秋左傳紀鄒
子之言曰吾祖少皞氏之立也鳳鳥適至故爲鳥師而鳥官
五鳩鳩民者也五雉夷民者也九扈爲農正扈民無淫者也
縣令一官有鳩民夷民扈民之責焉鄒雖蕞爾邑乎遵斯志

鄒城縣志

序

三

也率由舊章進斯民而復於古異日者政成報最鵬搏鳩舉
攀鳳翼而贊鴻猷以上佐聖天子邛隆之化余與張君有厚
望焉遂不辭固陋而爲之序

誥授中憲大夫知山東沂州府事加一級紀錄十八次又軍
功加一級紀錄二次前廣西桂林鎮安平樂三府知府長洲
宋敝靜山氏撰

時乾隆貳拾捌年歲在癸未陽月吉日

序

孔子言夏殷之禮致憾於杞宋無徵而推其故曰文獻不足
是知文獻所關綦重也今郡邑之志其文獻之寄乎古者國
皆有史龍門始彙萃爲史記而志居史體之一後此如華陽
國志之類實兼表志論贊之體與史相埒故志之爲事無論
缺略鄙陋者不足行遠卽操觚之家不難以文章飾吏治而
或浮豔無實藻績足以掩眞義例弗嚴名器浸以多假又或
體裁不明紀載繁而未規於正綱維莫舉部署雜而未就其
班其距儉陋者亦復幾何余初調茲邑披閱故牒有未免如
前之所云者顧地居瘠敝之區重以積歉之後荒饑滿目仰

鄒城縣志

序

四

屋棘心方爲民請命之不暇而何暇以文事爲幸值聖天子
照臨所至無微不燭蕞爾一邑時切軫念既賑救遞加復允
撫臣之請興修水利以謀永久兩載以還饑者甦流者復沂
河築墨河疏訟獄漸清民氣恬適意亦徵文考獻之一會乎
余迺得假簿書餘閒芟蕪益簡眷別嚴核且於大目中補編
年附餘兩帙復於細目中詳河渠倉儲諸務其說略具於例
言而余所瞿然勿釋於懷者鄒民災變遞經子遺幸免之餘
生皆余所目擊而神怵其歷世以來所有傷危困厄之已事
又余所披卷而心悉故是書取以爲文者逞逞多危語目以
爲獻者逞逞多憂思而不敢使鄒子遺黎僭齊魯名勝之

蹟一涉鋪揚凡以志其實也雖然官與禮一也二代之近其後竟無傳皇初之遠鄒子能言之鄒固聖人所嘗取裁也以今天子之所厯念與古聖人之所諮詢皆在是邑其亦將化瘠區爲樂國講禮教於邊隅而勿以褊小自閼乎是非司牧之責而誰與歸

乾隆十有四年夏五深澤王植撰

鄒城縣志

序

五

鄒城縣志序

縣之有志所以備一代之參考而昭法戒於來茲也故周官有外史之職以掌四方之志鄒雖彈丸末邑卽古之鄒國也問官傾蓋聖賢之模範垂示於不朽者昭昭可攷其間之名臣碩儒以及節義孝友之士代不乏人顧可使之世遠年湮泯沒而不彰歟况我朝政成化洽淪骨浹髓百餘年來因革之周詳民物之繁衍風俗之淳厚人文之蔚起與夫學校政令之廣盛尤不可略而無所稽耶斯志之修成於明季萬歷十有三年邑令顏公已時代更易遞變各殊矣本朝邑令王公諱植者宰治斯邑睹編簡之歷年已久慨然有軼缺之歎爲之蒐羅往古博採群議筆削愈嚴紀載益悉迄丁卯暨庚午斯志始爲告成乃未發梓而賦歸去焉歲之辛巳余來茲土檢閱遺稿見其起例發凡分門以聚類絜綱以統目猗與休哉何其詳歟因繼其後而續成之間有未備如我朝巡幸慶典黎庶蒙惠澤之普憲恩周遍閭閻獲溝洫之利以及十餘年中之未及載錄者商之司鐸王君復加探輯周訪謬爲補焉邑之紳士大夫樂觀厥成余遂請諸郡伯爲之序而竟其功庶後之賢者覽斯志以識王公之苦心而藉以有所參考也歟是爲序

時乾隆二十八年歲次癸未冬月鄒城縣知縣張金城撰

序

志卽史也重黎司正由來尙矣春秋史而經也龍門職掌永平典校以其官史者也盧陵五代紫陽綱目以其學史者也非識與筆則書不成卽成亦不傳史顧不重哉郟古名區也郟子系傳少皞雲官鳥紀聖人擇焉其地附於魯禮教信義之邦也名賢傾蓋宗聖講學炳烺烺蹟不沒也以故名流之文學節義愚夫婦之疾風勁草所宜表而彰之者代不乏人舊志始於前明萬歷續於國朝之康熙十二年癸丑歷八十餘歲至乾隆十四年邑父母深澤王公慮其久而缺略也爰取舊志增而修之公廉明剛果有政績事在本傳語中其

郟城縣志

序

七

義例詳見自序屬稿未竟而去士民惜之又十餘年乾隆辛巳渤海張父母蒞任茲士清廉惠義寓精明於慈祥惻怛之中聽斷平允案無留牘開水利則躬親區畫興學校則不惜俸廉利興弊除士民懷德胥隸畏威詩曰愷悌君子父母之謂也比歲年豐政成民和遂於公餘取深澤未竟稿而纂成之心輯手訂懷鉛握槩而不以爲勞博採延訪詢及芻蕘而不以爲瀆徵厥必確褒揚務寔蓋本其生平之學一邑之政以爲今日之誡與筆也恆於是歲告養在籍猥叨延譽重以下帷覃思論道屬書之任稿定因不棄昧愚而就之商確自分弁鄙愧莫能贊間有傳聞異詞者本一得以參訂焉俾附

桂林一枝之列亦不讓土壤不擇細流之意與夫一邑乘也更二鉅公之手而成宜其大目宏綱舉標體製卮言寸簡罔非珠璣其章如日其麗如星其涵如海其和如春書則有典有則事皆信今垂後用以備聖天子之採擇而編諸觀風問俗之帙史也未嘗不有助於經矣恒欣逢盛事爰紀其始末於來茲以爲桑梓慶也

時乾隆癸未歲嘉平月邑人方湖王恆書於郟之一貫書院

郟城縣志

序

八

原序

明邑人 張世則

鄒城不佞祖邱也往不佞過家上家吊古尋幽慨然歎曰鄒彈丸地耳乃尼父儼然而臨之問官傾蓋是獲益友曾子蹴齋負簞來學於茲則所從遊亦必鄒子程子類也鄒固稱多賢哉夫鳳一毛豹一班上林一樹且足以誇美標異鄒多賢如是是丹穴南山之叢藪而大官庖也顧學士大夫罔艷談之則以誌典久缺無所攷鏡之故不佞從仕南北不得執管爲役而私心惋惜久之今歲秋杪邑大夫顏使君械一書致不佞則裒然鄒誌兩巨帙千百年寂寥之典故一日修明使君大夫哉誌纂於博士邱君而創體命意則使君也不佞詳

鄒城縣志

九

味其中諄諄乎軫念民隱策勵人士思進之古先以勉副今鄒隆之會其大較已彼鄒子熟官職建置之名是能讀八索九邱墳典者述舊章而爲政必無愆忘富時之膏澤於民可想見矣故瑣尾流離之狀不概見於日尋兵戈之時今使君之措注業已播之民謠卽誌中所譚大都肉骨我窮氓嘯幽谷而春之卽所稱鄒子奚讓焉夫世之鼓篋而遊挾冊而呻吟者質以里中故實則后氏之訓詰諸徐之華藻猶氏之博洽若不足多者緩頰而談豈不曰鄉有爲尼父友爲曾子師者其芳躅具在而使君乃鰥鰥憂勉以免園之冊博龍標之名非卑之乎母爲高論也晚近世過爲矯世之論輒以煙霞

邱寧當之乎隱居而頽然自放其志不爾則藉口道德性命之談以文其空腹枯吻而號於人曰吾志吾學已若而人尼父曾子將麾之卽質諸后蒼諸君子諸君子且弁髦之矣尼父從周曾子思不出位假而一聖一賢生於斯能不漱芳握潤入對大廷而展其用世之志耶使君之惠我後學意良厚矣倘民不勤動而急公家士或踰嶽而謝登庸寧不負使君與此誌哉此不佞序誌意也一以幸創典一以冀來轍也萬歷乙酉秋九月望日

鄒城縣志

十

序

邑令 顏若愚

昔者先王疆理天下海宇之廣幅幘之內莫不棋布星列燦乎無容喙矣邨在春秋爲少皞氏苗裔漢唐爲東海郡山則馬陵巨其左水則沭流經其東天無旱潦民無天札士循禮義俗尚淳龐豈不侈然稱鉅邑哉而何今不然也是故風會漸流雅道寢衰有昔有而今無者有昔無而今有者觀風者於茲有深慨焉乃若神主環列魚鱗維製成幃成兩含齒戴髮昔何總總也今則逋逃半郊陬矣章袞相望址盛蟬連上之壁畫廟堂下亦不失牧守昔何纍纍也今則青衿多囿滯矣質值椎魯動作力田陳腐相因摩肩接踵昔何融融也今

鄭城縣志

序

十一

則淳風大澆淪矣山川猶故風景不殊乃世變江河增損沿革月異而歲不同苟不取而更新之吾未見其爲信史也顧徧覽宇皆志也而襲前人之唾餘則嫌於尙同駕無實之空言又疑於爽實迨其甚者粉飾太過矜夸所長譬則飾櫝寶珠羔衣狐袖祇爲有識者所鄙耳史有三長自古難之洗垢索瘢世寧無遺論哉昔鮑彪校戰國策四易稿而後繕寫及重校尙有新得先哲謂校書如塵埃風葉隨掃隨有諒哉邨舊無誌邇來藍田趙君蛟氏令邨彙集成書議者猶謂其侈而不備華而鮮實且年來戶口糧役視昔有加焉咸欲復加纂修以補其所未備壬午秋愚自中州東徙時學博長樂邱

君問禮氏富於藝文工於撫拾乃取舊志芟其枝蔓剪其矜誣潤色以卮言詞不詭於經而意不失於誕癸未冬始脫藁無何而邱君凋謝矣歷下徐君來朝氏自曹擢邨諭乃訂其訛舛加以藻飾邑庠彥陳生用賓張生守規守範施生傳唐生堯封數輩或正其錯簡或攻其筆札皆有成勞焉嗚呼昔人譚誌者有謂采之足以備史資之足以宏識因之足以立政由之足以適治是志也不敢訟言有此數長也若夫山川田土之等官師人物之詳賦稅戶口之數節孝仙枝之流與夫昔無而今有者載述無遺焉俾後之博雅君子欲新是志者藉以有所考鏡也已愚不佞夙不能文謹殺青僭言於簡

鄭城縣志

序

十二

末

萬歷十有三臘秋八月既望

序

邑令張三俊

古者太史陳詩以觀民風司市納價以觀民好惡故先王省方巡狩周諮利弊所以修教齊政訓方型俗舉資於此矣今天下遐邇臣寶玉帛萬國啓教所迄無遠弗屆我皇上勵精圖治思欲明目達聰特允閣臣之請勅天下各直省纂修郡邑全誌所爲一道同風備覽庶務樹不朽之鴻規垂訏謨於萬世者誠挈領提綱允得其大體矣猗歟盛哉三俊承乏茲土夙夜惕懼恭思殫精竭慮仰副聖明但郊邑自經兵燹災震之後遺書散失既苦於編輯之無由又兼舊志自萬歷十三年以後迄今歷年八十有奇其間文獻凋謝復苦於攷訂

郊城縣志

序

十三

之無徵用是謹同舊令馮君可參與邑中學識兼優恩貢杜景昭賢庠生梁大胤張壽徐慶李珍數人相與朝夕討論旁蒐逸乘遠稽舊聞凡事蹟之昔有而今廢與夫昔無而今有者爲之詳覈釐定增其未備芟其繁冗恐以疎漏浮濫無當採覽如河防兵防事關重務舊志所未載者旁諏近議以紀備之城墉之昔堅今塌驛站之昔僻今衝者指陳時弊以紀之而田賦之昔僻今荒與戶口之昔蕃今耗者亦必詳考荒耗之由以便稽察若夫職官賢否與節烈孝行一皆準之鄉評探之輿論公是公非揚不至諛刺不傷謗蓋倣諸三代之遺直抑亦以示勸懲也至於災異妖祥一皆考之老成經其

親見然後核實登記卽有年遠無考者亦審闕之罔敢誣也

蓋經始於夏初閱月有五而後脫稿成書蓋亦其難其慎期成信史迄今雖編集告成猶恐逸文殘缺摭拾仍有所未備也獨計郊邑猶是昔日之故土也試問今日之戶口何以不若昔時之肩摩轂擊也今日之土田何以不逮昔時之禾易長畝也今日之人材何以不逮昔時之鳳舉蟬聯也與夫今日之祠廟公署寺觀橋梁何以不逮昔時之百廢具興也風土不殊而今昔有盛衰之異撫茲凋瘵而扶衰起敝厚生正德之謨三俊用是益深靡盬之懼矣

康熙十二年仲秋既望

郊城縣志

序

十四

鄒城縣志纂修續修姓氏

鄒城縣知縣加三級紀錄三次 王植

鄒城縣知縣加六級紀錄六次記功六次 張金城

分修

鄒城縣儒學教諭 王述德

鄒城縣儒學訓導 杜天嘉

原任翰林院庶吉士福建興化府莆田縣知縣邑人王恒

監工

鄒城縣縣丞 吳孝曾

鄒城縣縣典史 錢國臣

鄒城縣志 姓氏 十五

採輯

邑庠生 王鍵

邑廩生 丁允達

邑廩生 李宗召

分校

邑廩生 侯長炳

邑庠生 謝永年

督工

邑庠生 徐調鼎

邑庠生 劉俊

附纂修姓氏

初志成於萬歷十三年乙酉教諭邱問禮編纂知縣顏若愚

訂正生員陳用賓施傳唐堯封張守規張守範等全校

續志成於康熙十二年癸丑知縣馮可參編纂接任張三俊

訂正貢生杜景昭生員梁大胤張鑑徐慶淑李鈺等全校

又續志定稿於康熙五十年辛卯知縣荆文康編纂接任魏

敬勝訂正貢生禱廷彬生員徐源淳李鑽杜廷圭馬光祚

張炯等全校

又續志定稿於乾隆十二年丁卯知縣王植編纂

又於乾隆二十八年癸未知縣張金城續纂成教諭王述德

鄒城縣志 姓氏 十六

邑紳王恆訂正邑庠侯長炳謝永年全校

郟城縣志卷之首目錄

卷首

例言 圖象

卷之一

恭紀巡幸

卷之二

輿地 星野 沿革 疆域 形勝
八景 附 山川 溝渠 風俗

卷之三

編年 周秦起至國朝

卷之四

郟城縣志 目錄 十七

建置 城池 公署 公所 驛選 鄉社市集會場附道路
橋梁 坊表 陵墓 古蹟 兵防 墩台

卷之五

食貨 戶口 田賦 雜稅 倉儲 物產

卷之六

秩祀 廟壇 各祠 學校

卷之七

秩官 郡守 同知 知縣 縣丞 典史 教諭
訓導 按察 官蹟

卷之八

選舉 辟薦 進士 舉人 明經 貢例 武官
武科 封贈 恩蔭 省祭

卷之九

人物上名賢 儒林 孝友 義烈 隱逸

卷之十

人物下列女

卷之十一

藝文 文 詩 賦

卷之十二

附餘 雜記 寺廟

郟城縣志 目錄 十八

列言

一郡邑之志正史所資義例不可不嚴舊如釋宮老室雜人典祀明經誥贈瀾以捐貲邪正未分名器可假殊失春秋謹嚴之義至學校部內普濟漏澤輒附於後尤其陋矣所宜亟爲更正

一事無年經月緯之筆匪惟前此已事多所架漏亦覺各篇紀載漫無統歸今特增編年一帙而併災祥於內大書分列微倣紫陽綱目之遺惟朝廷大政不專爲一邑設者不敢多載以紊體制至古略而今詳者文獻不足義當缺疑故耳

鄭縣志 列言

十九

一史體大傳後或有贊獨行傳前或有序若篇首皆升小序篇後又附餘論浮詞頗多客反奪主至於名賢宦業傳內稱頌例以史體悉當書名今一爲芟除更正若緒論之有關事要足資採擇者別入藝文以垂可久

一名實關乎勸懲故稱人以孝必詳永言之行頌人以忠必列敬事之蹟稱此而求有徵乃信若公共訣詞無可指據卽譽躡以夷貌陽爲孔孰能禁之若於傳內無名名下贅讀者概不敢入其果事蹟稍備者寧入之列傳以昭來許一郡邑志乘原備文獻宦蹟人物獻之實也圖韻摘藻文之華也舊於輿地建置內附入篇咏蕪雜無序且小佳篇藝

文所收更爲寥寥今廣爲搜討盡入本帙或邑之人或邑之事依時代先後以便續入惟同一題者列爲類及

一鄭縣原爲東海郡治稱東海者鄭縣產也按通志所錄邑賢多註東海鄭人旁考海州志每有複見似不免於借才僻壤苦無書史足資考覈然舊志所紀載父老所稱述必有可據當因之勿易至仙釋誕說與二氏之祠不便入於正帙用見存而勿論之意另爲附餘志

一舊志有明以前無考今刊本爲萬曆十三年廣文邱問禮及康熙十二年縣尹馮可參之筆另有抄本未刊者則康熙五十年縣尹荆文康之筆也於邑中事跡皆苦略而弗

鄭縣志 例言

二十

詳抄本尤寥寥無幾今雖極力搜索未免杞宋無徵之憾一鄭爲省南下邑接壤水鄉十歲九災民生甚苦如編年內所載災變貧瘠諸事頗爲詳悉又詩中如災民歌神水行文中如義倉論推惠田記皆不啻鄭俠繪圖令讀者惻然悚然後之君子當於此三復勿斁

邑令深澤王植書

郟城縣志卷之一

恭紀巡幸

古先省方問俗行慶有典歷載前籍王者之一遊一豫藉以普其深仁厚澤之施而百姓之蒙補助者益以形其含哺鼓腹之樂也我朝聖聖相傳政成化洽超越前代聖祖仁皇帝暨我皇上時舉巡狩之制凡六飛所臨靡不望翠華而沾鴻恩郟邑爲江省接壤山左通衢鬱輿必歷省耕省斂沐聖主之恩德者屢矣賦高厚而歌曠典敢不拜手稽首以紀敷

康熙二十三年秋九月

聖祖仁皇帝稽古東巡十九日昧爽發德音詔東巡徑過地

郟城縣志

恭紀

二十一

方俱加恩卹著將康熙二十四年應征丁銀盡行蠲免除十惡等罪不赦外其餘自康熙二十三年九月二十四日以前死罪軍罪以下已發覺未發覺已結正未結正減赦除之各官除以現在品級已得封誥外凡授職陞職改任者著照新銜封贈九月二十八日出都十一月自江南回鑾十一日渡黃河十三日駐驛紅花埠十五六等日自郟沂取道東亮

二十八年

聖祖南巡道徑山東見收成少歉諭山東巡撫邇年以來各省丁地錢糧已經節次豁免山東丁地正賦欲來歲蠲除該撫先速行曉示又戶部覆准郟城等二十四州縣二十八年

未完錢糧于三十年徵

四十二年

聖祖南巡回鑾由水道過臺兒莊奉上諭朕徑過蒙陰沂州郟城縣等處民有飢色應急行賑救遵旨題定將山東附近州縣漕糧截留二萬石送被災州縣減價平糶州縣並無倉穀卽將截留漕米賑濟

乾隆十六年

皇上南巡二月初二日至郟城道中御製詩一首

龜蒙回望數峯尖大野春光取次拈人意貪程催馬策晴曦送暖入車幃江聲迎客行行近詩趣和春旋旋添

郟城縣志

恭紀

二十一

老幼初逢清蹕至羽林呵禁莫教嚴

恩免經過御路兩傍地畝錢糧十分之三卽日聖駕至郟城五里舖士民建感恩亭於城南三里

立碑頌德

回鑾由郟城至蘭山蒙陰等處凡經過州縣各賜老民銀牌

乾隆二十二年

皇上南巡二月初一日駐驛縣境之北六十里橋頭大營二月初二日駐驛縣境之南十二里曹村大營於初三日駕幸江省恩旨蠲免經過御路兩傍地畝錢糧十分之三凡老民老婦賞給銀牌

乾隆二十六年

皇上南巡巡撫阿於郟城縣治之西三里花園莊建立行宮一座花園莊卽古郟子花園也西建太后寢殿五間照房三間大宮門二座垂柱宮門一座左右各穿廊十餘間中建皇上寢殿五間便殿三間左右配殿六間大宮門三間垂柱宮門一座內宮門一座左右各穿廊十餘間皇上寢殿後建皇后寢殿五間左右配殿六間照房五間左右穿廊各十餘間東建御書房三間外置房十餘間茶膳房六間東西朝房六間宮門外御橋三座皇上於月初一日駐驛縣西北之橋頭大營知縣張金城隨營帶領引見初二日駐驛行宮御製五

郟城縣志

恭紀

二十三

言律詩一首對一聯御書表於寢宮之東次間知縣張金城建立御筆亭於御書房後刻碑恭記焉是日詔見沂州府知府李希賢問及沂沭兩河形勢溫語褒嘉賜字一幅

御製詩

觀民指吳會按頓蒞郟城少皞封嗣後春風駐節餘何當庭館此爲愧肝宵予一宿園其藉千秋蹟信諸旣成斯不說至止偶相於誰與徵傾蓋因之試訪書

御製對聯

山容積雪融和盎

物象熙春詠蕩披

於初三日出郟境各官送至紅花埠取道赴江南回鑾後奉旨凡辦差文武官弁有叅罰者開復無叅罰者加級與乾隆二十二年同又恩賞緞疋貂鼠荷包等物知縣張金城得賞緞一疋凡經過州縣老民老婦俱賞給銀牌帛肉有差

郟城縣志

恭紀

二十四

郟城縣志卷之二

輿地志

自秦罷侯置守而州縣未之有易彼其提封百里畫圻疆而鎮撫之者豈不基列星錯哉郟故古先王胙茅也今卽遞有沿革而山川之礪帶星野之繫屬稽之軼牒往往得而考鏡焉若夫比閭閻之民類以所嚮而成謠俗從昔固然而或盛衰蹟變浮瀾趨異則氣運人事興替得失之林亦不可勿善察而識也纂輿地志

星野

漢天文志奎婁胃徐州

地理志魯地降婁分野

郡國志自婁五度至胃六度曰降婁之次

晉天文志東海八奎一度瑯琊八奎六度

唐天文志奎婁降婁也自蛇邱肥城南屆鉅野東連梁父循

泰岳衆山之陽以負東海及大庭氏諸國俱屬降婁

天官書奎十六星婁三星爲降婁於辰在戌魯之分野

通志沂郡於國爲魯於州爲徐而奎婁之分野也考之漢郡

東海瑯琊屬婁城陽屬婁宜矣然亦有割魯地以統之泰

山郡而屬於角者謂蒙陰及沂水及縣地蓋職方有兗而無徐包徐

於兗而星亦爲之改分歟

沿革

郟城縣唐虞時爲徐州之域禹貢海岱及淮惟徐州淮沂其又是也周禮職方併徐八青曰其津沂沭是也春秋時爲郟子國蓋少皞之後已姓武王封之爲魯附庸春秋昭公十有七年郟子來朝是也其滅於楚當去秦并六國之年不遠項襄時楚人有好以弱弓微繳加歸雁之上者王召問之彼對及郟費郟邳比於羅鸞是郟猶未滅也秦易封建爲郟縣以是城爲郟郟地漢改爲東海郡置縣十二治郟縣統於徐州刺史部東漢分東海郡置瑯琊國東海領縣六晉東海郡領縣三皆治郟縣元魏更東海爲郟郡縣

郟城縣志

輿地 星野 二十六

如故隸東徐州隋廢東海郡郟屬泗州大業初改屬下邳郡唐貞觀元年省郟入下邳郡屬徐州尋復置又復省入臨沂縣屬沂州瑯琊郡隸河南道宋與金州縣俱仍唐名而路則宋曰東京東路金曰山東東路元初罷臨沂縣設巡檢司至正間復置臨沂與沂州並屬益都路隸山東東西道明初洪武元年置山東行省於益都始名縣爲郟城領於沂州屬濟寧府五年改屬濟南府十八年封魯藩陞兗州爲府降濟寧爲州以沂州及郟城改屬於兗州國朝雍正二年分兗州府之沂州爲直隸州十二年陞爲沂州府皆以郟城屬焉

疆域

郟城縣在本府南一百一十里

東至江南海州一百八十里至分界馬陵山十八里

西至蘭山縣界三十五里

南至江南宿遷縣一百八十里至分界紅花埠四十五里

北至蘭山縣一百一十里至分界十五里墩十五里

東南至江南沐陽縣一百八十里至分界望海樓三十五里

西南至江南邳州一百一十里至分界齊村四十里

東北至江南嶺榆縣一百八十里至分界泉兒頭三十里

西北至費縣一百八十里至分界四十里計東西廣五十三里

里南北袤六十里至省七百二十里至京師一千六百七

十里

今按縣境東西南北雖廣袤以五六十里計而東北至石河保與蘭山接界則九十餘里西北至柳莊保與蘭山接界則百里且西至長城保與邳州接界則七十里東至樂沙保與嶺榆接界則九十里蓋蘭郟二邑環迴交錯東西兩域皆界外間以蘭地乃復履郟境而後抵外州縣界不惟山東江南之門戶實為鄰封紛錯之要區是以姦宄易藏防察難密治斯土者勿謂彈丸之區可以牛刀漫試也列之衝繁難三字缺中良不可易

郟城縣志

輿地 疆域 二十七

形勝八景附

北連魯莒南控海邳河流則沂沐雙潑巖壑則虎龍互抱

志

南控淮津北接瑯琊沐水經其東沂河環其西首全齊尾東

魯桓秦門距圯上為南來之要衝實東州之巖邑

舊志

邑有八景舊志所載曰郟封故壩曰由吾仙洞曰方湖蓮謳

曰白馬漁唱曰書院琴聲曰海樓雲影曰沂曲春波曰馬

陵山月其一二五六見古蹟三四七八見山川康熙間蒲

城詩人屈復流寓於此更定八景如左

海樓朝霞

城東南三十里馬陵山巔一峰員峭特起結為

郟城縣志

輿地 疆域 二十八

石樓世傳孔子登此望海日出時紅霞建標遠起蓬島近

接嵐光

石門夜雨 城東北五十里眾山環翠巨石坪開青椒兩壁

夾立成門俗傳子路宿處一溪貫中東注永夜瀟瀟如聞

雨聲

仙洞雲窺 城東南三十里由吾洞山開一罅澗長數里上

懸石壁下橫深潭邃岸參差相對嶺岼阻絕鳥道微通

禹臺柳鶯 城東七里禹王臺畔長堤橫臥萬柳參天春日

綠陰颭水雪浪薄雲坐聽鶯鳴如笙簧流韻

沂水春帆

城西三十里沂河西流林木夾岸葱鬱直接下

邳春明桃李影照清波客艘乘風競渡有映花錯繡之奇

白溪秋月 城北十里白馬溪繞傾蓋亭而西既渡石橋湛

然停瀟聲潔紺寒溪月同色坐臨秋空光有別暈

紅崖古梅 城西南四十里紅石崖右臨沂水高嶺橫岸古

梅一株故老傳三百餘載花開如雪村亞羅浮斜月黃昏

邑成香國

龍門桃浪 城東十五里禹黎山口以通沭水水經註又南

經陵山卽此嶄然雙闕勢逼河津二三月桃花水發則千

岩萬壑爭赴一門山嵐水氣鬱作奇觀

山川

邳城縣志 輿地 山川 二十九

馬陵山在縣東十里山北聯蘭山南抵宿遷長亘數百里狀

如奔馬中有由吾洞白龍潭水出焉

孔望山在縣東南三十里卽馬陵之一峯也相傳孔子之邳

嘗登此望海故名焉上有石樓曰望海樓

羽山在縣東北七十里禹貢羽畎夏翟山海經註云羽山在

東海嶺榆縣西南鯀殛處也上有二泉匯爲羽潭左傳子

產云鯀殛羽山其神化爲黃熊入於羽淵卽此羽山爲鯀

殛處無疑

九龍山在縣東北九十里沭水所經也山有九嶺若龍南行

卽馬陵之別支

有餘山在縣西南六十里入邳州界一名優婁山

萬松山在縣西北五十五里

磨山在縣西北六十里與石梁山相對舊有宗聖書院今址

基尙存又有遺碑照人見影敲之聲如鼓琴然

石梁山在縣西北六十里

芙蓉山在縣西北八十里舊傳山多芙蓉花故名

七岌山在縣北七十里一名七級山與蒼山相連

蒼山在縣東北九十里

神山在縣西北九十里上有玉皇廟

臥虎山在縣西六十里

邳城縣志 輿地 山川 三十

三峯山在縣北七十里形如筆架舊志本載

艾山在縣西南七十里與邳州接界

沭水在縣東十里發源於沂水縣北沂山連麓之大弁山東

流而南受峴山箕山之水沂水縣境內行八十五里入莒

州界有絡水袁公水沙河水入之又南有鶴水潯水入之

又南會三泉水莒州境內行三百五十里入蘭山縣界有

溫泉水入之會武陽潯水又南循馬陵山入邳城境由山

口穿峽拉禹王臺乃循馬陵山西逕茅茨莊由重興集紅

花埠邳城境內行五十五里入江南宿遷縣界轉入沭陽

縣逕桑堰湖爲漣水東入海 通志